

درسهاده ياب عالي جاده سنده
اداره مخصوصه

محل اداره :

صراط مستقيم

خطار :

مسلمونه موافق آثار جديده مع المنزليه
قبول اولنور
درج ابدليني آثار اعاده اولنور

دين ، فلسفه ، ادبيات ، حقوق و علوم دن باحث هفته لى رساله در

درسهاده نسخه سى ۵۰ باره در

قبيله دن مقوا بورو ايله كوندريليس سنوى
۲۰ غروش فضله آلنير

درسهاده پوسته ايله كوندريليس ولایات بدلى اخذ اولنور

ايكنجى جلد

تاریخ تاسیسی
۱۰ تموز ۳۲۴

مؤسلى : ابوالعلا زین العابدین - ح . اشرف ادیب

سنه لى	اللى آیلنى
۶۰	۳۰
۸۰	۴۰
۸۰	۴۰

درسهاده

ولایاتده

ممالك اجنبیهده

عدد : ۴۶

۵ رجب ۳۲۷ پنجشنبه ۹ تموز ۳۲۵

کسب و تجارت و تاسیس صنایع

نظر اسلامیتده مرغویلى

بو حقیقى تنویره مدار اولان بعض آیات واحادیث

قالاه عزوجل (فاذا قضیت الصلاة فانتشروا فی الارض وابتغوا من فضل الله) معنای شریفی : صلات جمعه ادا اولندقدن صوکره
پرورنده ، اسواق واماکن سائرده انتشار ايله فضل الهی « رزق
واسع » طلب ایدیکنز .

محل آخردهده شوبله بیورلمشدر : (و آخرون یضربون فی الارض
یتبغون من فضل الله) یعنی مؤمنلردن دیگر بر فرقهده واردرکه اولنر
سیر و سیاحتله فضل الهی طلبنده بولنورلر .

آیت اولانک اوست طرفنده کی « اذا نودی للصلاة من یوم الجمعة
فاسعوا الی ذکر الله وذرؤا الیبع ذلکم خیر لکم » نظم منیفله بالخاصه
جمعه کونی اذان محمدی اوقوندینی ائنهاده — استماع خطبه ایچون
واجب اولان سعی اخلاص ایتمه مک مقصدیله — بیع و شرا ايله اشتغال
ممنوعیتی بیان بیورلمش ، متعاقباً بو آیت کریمه ايله ممنوعیت مذکورده نک
رفعی اعلان بیوریلهرق مسلمانلرک یوم جمعهده بیله اشتغالات نافعه یه
مأذون بولندقلری افاده قلنه شد .

بوسباق افاده دن دین مبین اسلامده سربستی تجارتک هیچ بر
قید ايله مقید اولمادینی ، وقت مذکورده ماعددا اوقات واما کنک
هیچ برنده ممنوعیت بولمادینی واضحاً آکلاشله قدده در . فصلکه
مواسم حجه ، مناسک حج شریف ایفا اولونان هنگام و مواقعه
دخی معاملات تجاریه یه مأذون اولمقلغمز استعید بالله (لاجناح علیکم

یارین رجبک ایلک جمعه سیدر . رحمة للعالمین اولان
پیامبر ذیشان افندمر حضرتلرینک عالم شهود ايله تماسلرینک
لیله دوریه سی بوکیجه حلول ایدیور .

عینی زمانده یارین تموزک اونی در . بو (جمعه) مشرو-
طیت مشروعه مزک کچن سنه جمعیت و جماعتله اعلان
اولندیغی ، روح موجودیت امم اولان مشوره اداره حق
سیاسیسنک استرداد ایدلدیکی یوم مبعوله تصادف ایلور .

[صراط مستقیم] بویله کیجه سی خندان ، کوندوزی
شادان ، عموم امت اسلامیه و ملت عثمانیه ایچون باعث
فیوضات نامتاهی بریوم قدسی و مسعودی کمال اخلاص
وصمیمیتله محترم و معزز قارئلرینه تبریک و تهنیه ایدرک کندی
ناچیز و فقط معصوم و نزیه موجودیتنک دخی بو روز
مسرات افروزده بریاشنه قدمهاده اولدیغی کورمک بختیار-
لغنی ده بالاظهار جناب حقندن عامه ایچون سعادتلر ، کنیدیسی
ایچون ده تعقیب ایتدیکی طریق استقامتده محترم قارئلرینه
دائماً خدمت امرنده موفقیتلر تمنی ایلر .

ان تبتغوا فضلاً من ربكم [۱] فاذا افضتم من عرفات فاذكروا اه عند المشعر الحرام (قول کریمه اشعار بیورلمشدر . آیت ثانیه ده برای تجارت سیر و سیاحت ایلمن ارباب عزم و حمتك مدح و ستایشلری متضمندر .

كذلك « وجعلنا النهار معاشاً » ، « وجعلنا لكم فيها معاش قليلاً ما تشكرون » آیت کریمه لرنده نهارك بنی آدمه وقت معیشت قلنمسی ، بتون آفاق ارضیه ده بزم ایچون اسباب تعیش آماده بیو- رلمش اولمسی بیسانیه بونعمتلردن طولای ایفای شکرانه دعوت اولیورز .

نصل که « هو الذي جعل لكم الارض ذلولاً فامشوا في مناكبها وكلوا من رزقه » نظم جلیلی کره ارضك هر درلو منافع و احتیاجات بشریه تکیوین و استکماله صالح و مهیا بر حال و هیئته خلق ایدلدیکنی بیان ایله جبال و تلاله مودوع بالجمله مواد نافعه دن انتفاع ایچون اجرای تحریات و هر محندن استحصا انواع طیبات حقنده اوامر صریحی محتوی بولنمسنه عطف نظر دقت اولندقدن افراد مسلمینه بوبابده ذره جه عطالت ابرازینه مساعدت شرعیه اولدینی قطعاً تبیین ایدر . سورة النورده کی (رجال لاتلهیهم تجارة ولا بیع عن ذکراه و اقام الصلاة و ایتاء الزکات) فرموده سبحانه یسی ده معاملات تجاریه نك شرعاً اهمیت عظیمه سی اولدینی صورت و انچه ده اشعار ایتمکده در . آیت جلیله مذکورده جناب باری مساجد شریفه ده شایان قبول الهی اوله حق تقدیسات و تمجیداتی ایفا ایدن اصفیای رجالی ، نخبه عبادی کوشه انزوا اختیاریه تعطیل اشغاله منهمك اولانلردن عبارت دکل ! بلکه مبیعات و انواع تجارتات ایله اشتغاللریله برابر کوللری ذکراه ایله اقامه صلاتدن غافل والاری اعطای زکاتدن منافع عامیه بذل اموالدن معرض و مائل اولمیان ارباب سعی و اقتداردن عبارت قیلمشدر . بوایه غنی شاکرک فقیر صابره نسبة قات قات حائز رجحان و فضیلت اولمسنه دائر غایت پارلاق برشهادت قرآنیه در .

(احادیث شریفه)

(۱) « التاجر صدوق الامین [۲] یحشر يوم القيامة مع الصديقين والشهداء » صدق و امانتله تجارت ایدن مؤمنلر يوم قیامتده صدیقین و شهدا ایله حشر و جمع اولونه جقلر .

(۲) « من طلب الدنيا حاللاً و تعففاً عن المسئلة و سعيّاً على عياله و تعطفاً على جاره لقي الله و وجهه كالقمر ليلة البدر »

دنیاوی ، وسعت معیشتی حلال اوله رق طلب ایدنلر خلقه عرض سؤال و احتیاجدن مبادعت ، اولاد و عیاله رفاهیت و جیران و اخوانه مواسات و معاونت مقصدیه عامل اولورلرسه یوزلری بدر کیجه سنده کی آی کی نورانی اولدینی حالده رب کریملرینه ملاقی اوله جقلردر .

[۱] ابن عباس حضرتلرینک آیت جلیله بی بوعلمنه « فی مواسم الحج » کلامی علاوه ایله تلاوت ایتمکده اولدقلری بخاری شریفده مذکوردر .

[۲] جامع صغیره مذکور برروایت معتبرده « المسلم » قیدی ده وارد اولمشدر . بناءً علیه بزده مطلق مقیده حمل ایدیورز .

(۳) ان من الذنوب ذنوباً لا یکفرها الصلاة ولا الصیام ولا الحج ولا العمرة انما یکفرها الهموم فی طلب المعیشة « ذنوب مکتسبه ایچنده اوله لری واردرکه صوم و صلات و حج و عمره کی عباداتله دکل ، یالکز معیشت نفس و عیال تحصیلنده چکیار هموم و متاع ایله تکفیر اولونه بیلرلر . [اکر طلب مذکور عندالله بر عمل مبرور اولمسه ایدی تکفیر ذنوب بابنده سائر عبادتله فوقنده بویله بر تأثیر کوستر میدی ؟]

(۴) « ان الله یحب العبد المؤمن المحترف » جناب باری بر حرفت و صنعتله اشتغال ایدن مؤمن قوی سهور .

[« محترف » صناعات و زراعت و تجارتك بریله طلب معیشتده متکلف دیمکدر . جناب حق بویله کیسه لری سهور . چونکه عطالت اوزره یشامق ، مالا یعنی ایله مشغول اولمق غایت مذمومدر « مناوی »] (۵) « احل ما اكل العبد کسب ید الصانع اذا نصح » عبدك اكل و انتفاع ایدم چکی شیلرک اک حلالی ، غایت اطیبی ناصح ، بنی نوعنه خیر خواهم اولان صنعتکارک کسب یدی اولان شیدر . [بو حدیث شریف صنایعه خدمتک سائر نوع تجارتلرک فوقنده اولمسنی مشعردر .]

(۶) « لاتقولوا هذا فانه ان کان یسمى علی نفسه لیکما عن المسئلة و یغنیها عن الناس فهو فی سبیل الله و ان کان یسمى علی ابوين ضعیفین او ذریة ضعاف لیغنیهم و یکفیهم فهو فی سبیل الله » بر کون حضور رسالتناهیده بولنان اصحاب کرام قوت و جلالت صاحبی بر کنجک سرعتی یورویره رک کجدیکنی کوردیلر ، ایچلرندن بر قاجی « بو کنجک عزم و جلالتی فی سبیل الله اولسه ایدی نه اعلی اولوردی » دیدیلر . ایشته بونک اوزرینه جناب رسالت مآب اقدمز بو حدیث شریفی نطق بیوردیلر . یعنی « بویله دیمه یکرزیر ابو ذاتک سعی و حرکتی اکر نفسنی مذلت احتیاجدن وارسته قلمق ایچون ایه فی سبیل الله سعی عدا اولور ، کذلک حال ضعف و انحطاطده بولنان ابویخی و یا عجز و احتیاجده اولان ذریت و عیالی ایچون سعی ایدیورسه ینه سبیل حقده سعی اولور . » هر مؤمن نفسنی مذلتدن ، اولاد و عیالی ضرورتدن خلاص ایتمک ایچون مساعی مشروعه ده سعی و مجتهد بولنق فرض عین اولدینی معلومدر . (۷) علیکم بالتجارة فان فیها تسمة اعشار الرزق تجارتله اشتغالدن آریلیکنز که رزقک اونده طقوزی معاملات تجاریه ایله قائمدر . اوله یا ! امر تجارت معطل اولسه ارزاق بشریه مختل اولور کیدر . نه زراعت قالیر ، نه صناعت !

مناسترلی اسماعیل حق

[مابعدی وار]

امل و طلب مجد

انه لا یأس من روح الله الا القوم الکافرون — ومن یقنط من رحمة ربه الا الضالون .

بونلر قرآن حکیمک آیات قاهره سندربزی اوله عظیم بر سردن